

OBAVJEŠTENJE DIONIČARIMA ZIF „Naprijed“ d.d. Sarajevo i javnosti
u vezi sa prekoračenjem ulaganja

U skladu sa članom 76. stav (1) tačka a) Zakona o investicijskim fondovima („Službene novine FBiH“, br. 85/08 i 25/17, dalje: Zakon), ulaganje imovine zatvorenog investicijskog fonda sa javnom ponudom podliježe ograničenju prema kojem najviše 15% neto vrijednosti imovine fonda može biti uloženo u vrijednosne papire ili instrumente tržišta novca jednog emitenta.

Članom 79. istog Zakona propisano je da u slučaju prekoračenja navedenog ograničenja, ukoliko je isto nastalo kao posljedica kretanja cijena na tržištu, društvo za upravljanje, u nastojanju da sačuva interese dioničara, vrši usklađivanje ulaganja u roku od godinu dana, nastojeći pri tome eventualni gubitak svesti na najmanju moguću mjeru.

Na dan 31.03.2026. godine godine, evidentirano je da ZIF „Naprijed“ d.d. Sarajevo (u daljem tekstu: Fond) u svom portfelju ima dionice emitenta **Energionova d.d. Sarajevo**, čije učešće u neto vrijednosti imovine Fonda prelazi zakonski propisani limit, odnosno čija je fer vrijednost na dan 31.03.2026. godine iznosila 17,7025% neto vrijednosti imovine Fonda. Predmetno prekoračenje nastalo je dana 25.03.2026. godine isključivo kao rezultat tržišnih kretanja emitenata u portfelju Fonda, a ne neposrednih investicijskih odluka Društva za upravljanje.

Shodno prethodno navedenom, Društvo za upravljanje je pripremilo i provodi **Dinamički plan postepenog usklađivanja ulaganja**, kojim je predviđena etapna i tržišno prilagođena realizacija prodaje dijela dionica u prekoračenju. Konačan obim potrebnog usklađivanja zavisiće i od kretanja vrijednosti ostalih ulaganja u Fondu, odnosno ukupne neto vrijednosti imovine Fonda i stvarnog nivoa prekoračenja u periodu do zakonskog roka iz člana 79. Zakona.

Društvo za upravljanje će, prilikom provođenja Plana, donositi odluke vodeći se isključivo interesima Fonda i njegovih dioničara, nastojeći očuvati vrijednost ulaganja i izbjeći negativne tržišne efekte, uz punu transparentnost i poštivanje važećih zakonskih i podzakonskih propisa.

Sredstva ostvarena eventualnom prodajom dionica biće plasirana u skladu sa Investicionom politikom Fonda, tržišnim uslovima i važećim ograničenjima ulaganja, u cilju očuvanja stabilnosti portfelja Fonda i interesa njegovih dioničara.